

საქართველოს სტატისტიკის ეროვნული სამსახური

უცხოელ ვიზიტორთა სტატისტიკა საქართველოში 2025 წელი



30.01.2026
www.geostat.ge

საქართველოს სტატისტიკის ეროვნული სამსახური


30.01.2026

უცხოელ ვიზიტორთა სტატისტიკა (2025 წელი)

2025 წელს საქართველოს ტერიტორიაზე დაფიქსირდა საერთაშორისო არარეზიდენტი მოგზაურების¹ 7.8 მილიონი შემოსვლა, რაც 5.9 პროცენტით მეტია წინა წლის მაჩვენებელზე. შემოსვლების უდიდესი ნაწილი, 43.6 პროცენტი, განხორციელდა 31-50 წლის მოგზაურების მიერ.

დიაგრამა №1

2024-2025 წლებში საერთაშორისო არარეზიდენტი მოგზაურების შემოსვლების განაწილება ასაკობრივი ჯგუფების მიხედვით



აღნიშნული რაოდენობიდან საერთაშორისო ვიზიტორების² მიერ განხორციელებული ვიზიტების³ რაოდენობამ 6.9 მილიონი შეადგინა, რაც 6.2 პროცენტით მეტია 2024 წლის მაჩვენებელზე.

¹ტურიზმის მსოფლიო ორგანიზაციის მეთოდოლოგიის თანახმად, **მოგზაური** არის ნებისმიერი ასაკის პირი, რომელიც გადაადგილდება სხვადასხვა გეოგრაფიულ არეალს შორის ნებისმიერი ხანგრძლივობითა და მიზნით.

ვიზიტორი არის 15 წლის ან უფროსი ასაკის საქართველოს არარეზიდენტი მოგზაური, რომელმაც განახორციელა ვიზიტი საკუთარი ჩვეული გარემოდან საქართველოს ტერიტორიაზე ერთ წელზე ნაკლები დროით (გარდა შემდეგი კატეგორიებისა: დასაქმების მიზნით ჩამოსვლები, საქართველოში აკრედიტებული დიპლომატიური ან საკონსულო ოფიცრები, შეიარაღებული ძალების წევრები ან მათ კმაყოფაზე მყოფი პირები, აგრეთვე პირები, რომლებიც ხშირად კვეთენ საზღვარს).

²**ვიზიტი** არის ვიზიტორების გადაადგილება.


საქართველოს სტატისტიკის ეროვნული სამსახური

30.01.2026

ქვემოთ მოცემული დიაგრამა ასახავს 2024-2025 წლებში საერთაშორისო არარეზიდენტი მოგზაურების შემოსვლებისა და საერთაშორისო ვიზიტორების მიერ განხორციელებული ვიზიტების რაოდენობას.

დიაგრამა №2

2024-2025 წლებში საერთაშორისო არარეზიდენტი მოგზაურების შემოსვლებისა და საერთაშორისო ვიზიტორების მიერ განხორციელებული ვიზიტების რაოდენობა



2025 წელს საერთაშორისო ვიზიტორების რაოდენობამ 5.8 მილიონს მიაღწია, რაც 7.0 პროცენტით მეტია წინა წლის მაჩვენებელზე.


საანგარიშო პერიოდში, საერთაშორისო ვიზიტორების მიერ განხორციელდა 5.5 მილიონი ტურისტული ტიპის ვიზიტი, რაც 8.4 პროცენტით მეტია წინა წლის მაჩვენებელზე. ქვემოთ მოცემული დიაგრამა ასახავს საერთაშორისო ვიზიტორების მიერ განხორციელებული ვიზიტების რაოდენობის განაწილებას ვიზიტის ტიპის მიხედვით.

საქართველოს სტატისტიკის ეროვნული სამსახური

30.01.2026

დიაგრამა №3

2024-2025 წლებში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება ვიზიტის ტიპის მიხედვით



საერთაშორისო ვიზიტორების 80.6 პროცენტი მხოლოდ ტურისტები⁴ იყვნენ, მხოლოდ ექსკურსანტების⁵ წილმა 15.4 პროცენტი შეადგინა, ხოლო ვიზიტორების 3.9 პროცენტი იყო როგორც ტურისტი, ასევე ექსკურსანტი.

ცხრილი №1

2024-2025 წლებში საქართველოს არარეზიდენტი ვიზიტორების რაოდენობის განაწილება ვიზიტორის ტიპის მიხედვით, ათასი

	2024 წელი	2025 წელი
მხოლოდ ტურისტი	4 266.9	4 668.2
მხოლოდ ექსკურსანტი	930.9	893.5
როგორც ტურისტი, ასევე ექსკურსანტი	215.1	227.6
სულ	5 412.9	5 789.3

⁴ტურისტი არის ვიზიტორი, რომელმაც ღამე გაათენა საქართველოს ტერიტორიაზე.

⁵ექსკურსანტი არის ვიზიტორი, რომელიც ღამეს არ ათენებს საქართველოს ტერიტორიაზე.


საქართველოს სტატისტიკის ეროვნული სამსახური

30.01.2026

2025 წელს ვიზიტორების ყველაზე დიდი რაოდენობა, 1.3 მილიონი, დაფიქსირდა რუსეთის ფედერაციიდან, რაც ვიზიტორების ჯამური რაოდენობის 23.2 პროცენტს შეადგენს. მეორე ადგილზეა თურქეთი 16.9%-იანი წილით, ხოლო მესამეზე — სომხეთი 11.9%-იანი წილით. შესაბამისად, ვიზიტების ყველაზე დიდი რაოდენობა განხორციელდა რუსეთის ფედერაციის (1.6 მილიონი), თურქეთისა (1.2 მილიონი) და სომხეთის (0.9 მილიონი) მოქალაქეების მიერ.

დიაგრამა №4

2024-2025 წლებში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება ვიზიტორების მოქალაქეობის ქვეყნის მიხედვით



*იგულისხმება საქართველოს მოქალაქეები, რომლებიც სხვა ქვეყნის რეზიდენტები არიან.


საქართველოს სტატისტიკის ეროვნული სამსახური

30.01.2026

ვიზიტორების უმრავლესობა, 46.4 პროცენტი, მიეკუთვნებოდა 31-50 წლამდე ასაკობრივ კატეგორიას, ქალების რაოდენობა კი მთლიანი ვიზიტორების რაოდენობის 43.0 პროცენტს შეადგენდა.

დიაგრამა №5

2025 წელს საქართველოს არარეზიდენტი ვიზიტორების რაოდენობის განაწილება ასაკობრივი ჯგუფების მიხედვით



ცხრილი №2

2025 წელს საქართველოს არარეზიდენტი ვიზიტორების რაოდენობის განაწილება სქესის მიხედვით, ათასი

სქესი	რაოდენობა	%
კაცი	3 300.0	57.0
ქალი	2 489.3	43.0
სულ	5 789.3	100.0

საქართველოს სტატისტიკის ეროვნული სამსახური

30.01.2026

2025 წელს ყველაზე მეტი ვიზიტი, 50.3 პროცენტი, განხორციელდა დასვენების, გართობისა და რეკრეაციის მიზნით.

ცხრილი №3

2025 წელს საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება ვიზიტის ძირითადი მიზნის მიხედვით, ათასი

ვიზიტის ძირითადი მიზანი	რაოდენობა	%
დასვენება, გართობა, რეკრეაცია	3 450.1	50.3
მეგობრების/ნათესავების მონახულება	1 641.5	23.9
ტრანზიტი სხვა ქვეყანაში გადასასვლელად	887.9	12.9
პროფესიული/ეკონომიკური საქმიანობა	419.9	6.1
შოპინგი	338.5	4.9
მკურნალობა, გაჯანსაღება	31.2	0.5
სხვა	87.7	1.3
სულ	6 856.8	100.0


ვიზიტების უმრავლესობა განხორციელდა თბილისსა და აჭარის ა/რ-ში, შესაბამისად, 3.8 მილიონი და 2.7 მილიონი ვიზიტი. ქვემოთ მოცემული დიაგრამა ასახავს ვიზიტების რაოდენობის პროცენტულ განაწილებას მონახულებული რეგიონების მიხედვით.

საქართველოს სტატისტიკის ეროვნული სამსახური

30.01.2026

დიაგრამა №6

2025 წელს საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება მონახულებული რეგიონების მიხედვით



2025 წელს განხორციელებული ვიზიტებისას გათვლილი ღამეების საშუალო რაოდენობამ 5.6 ღამე შეადგინა, რაც წინა წლის მაჩვენებელზე (5.5 ღამე) 1.6 პროცენტით მეტია.


განხორციელებული ვიზიტების 78.4 პროცენტი წარმოადგენდა განმეორებითი ხასიათის ვიზიტს. ქვემოთ მოცემული დიაგრამა ასახავს 2025 წელს საქართველოში განხორციელებული ვიზიტების რაოდენობის პროცენტულ განაწილებას კმაყოფილების დონის მიხედვით.

საქართველოს სტატისტიკის ეროვნული სამსახური

30.01.2026

დიაგრამა №7

2025 წელს საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება კმაყოფილების დონის მიხედვით



2025 წელს განხორციელებული ვიზიტებისას გაწეული ხარჯები 15.0 მილიარდ ლარს გაუტოლდა, რაც 5.1 პროცენტით მეტია წინა წლის მაჩვენებელზე. ვიზიტზე საშუალო ხარჯი 2024 წელთან შედარებით 1.1 პროცენტით შემცირდა და 2 187.3 ლარი შეადგინა.

საქართველოს სტატისტიკის ეროვნული სამსახური

30.01.2026

ცხრილი №4

2025 წელს საქართველოს არარეზიდენტი ვიზიტორების მიერ განხორციელებული ხარჯების
განაწილება ხარჯების კატეგორიების მიხედვით

ხარჯის კატეგორიები	ხარჯი (მლნ. ლარი)	%	საშუალო ხარჯი ვიზიტზე (ლარი)
საყიდვები	4 256.4	28.4	620.7
განთავსება	3 803.9	25.4	554.8
საკვები და სასმელი	3 501.9	23.3	510.7
გასართობი, გამაჯანსაღებელი, კულტურული და სპორტული ღონისძიებები	1 953.5	13.0	284.9
ადგილობრივი ტრანსპორტი	1 302.2	8.7	189.9
სხვა	180.1	1.2	26.3
სულ ხარჯი	14 998.0	100.0	2 187.3

შენიშვნა: ცალკეულ შემთხვევებში მცირე განსხვავება საბოლოო შედეგსა და შესაკრებთა ჯამს შორის აიხსნება მონაცემთა დამრგვალებით.

საქართველოს სტატისტიკის ეროვნული სამსახური

საკონტაქტო პირები:

დავითი ჟორჯოლიანი, ტელ: 2 36 72 10 (601), E-mail: dzhorzholiani@geostat.ge

მარიამ ყაველაშვილი, ტელ: 2 36 72 10 (020), E-mail: mkavelashvili@geostat.ge